



Universitätsbibliothek Paderborn

**Canonicorvm Regvlarivm Ordinis S. Avgvstini Origines ac
Progressus, Per Italiam, Hispaniam, Galliam, Germaniam,
Belgium, aliasque orbis Christiani prouincias**

Le Mire, Aubert

Coloniae Agrippinae, 1614

Capvt LIII. Novvm Monasterivm Abbatia apud Huyum opidum, dioecesis
Leodiensis ad Moham flu. Gallicè Neumostier.

urn:nbn:de:hbz:466:1-11321

CAP V T LIII.

N O V V M M O N A S T E R I V M A B B A-
tia apud Huyum opidum, diœcesis Leo-
dienfis ad Mohamflu. Gallicè
Neumostier.

COEnobium istud condidit *Petrus Ere-*
mīta, cuius historiam nemo pleniū aut
 verius conscripsit, quam *V Villelmus Archi-*
episc. Tyrius, regni Ierosolymitani Cancel-
 larius. Erat de Episcopatu Ambianensi re &
 cognomine Eremita, statura pusillus, & quā-
 tum ad exteriorem hominē, persona cōtem-
 ptibilis. Hic orationis & deuotionis causā
 Ierosolymam peruenit. Vbi cūm diligenter
 de oppressione Christianorum cum lacry-
 mis scrutaretur, & à Græcorū imperio, quod
 vix sibi sufficiebat, nihil sperari posse intelli-
 geret, sed tantūm à Romana Ecclesia & Oc-
 cidentis Principibus, obtulit sese in remediū
 animæ suæ legatum, si Simeon Patriarcha ad
 dominum Papam, & Ecclesiam Romanam,
 & Princeps Occidentis, scriptum sigilli sui
 autoritate corroboraret. Visus est & Domi-
 nus Iesus Petro in Ecclesia S. Resurrectionis
 dicens: *Surge, propera, & quæ tibi sunt iniuncta,*
intrepidus perage. Ego enim tecum ero.

Quare peractis de more orationibus & im-
 petrata Patriarchæ benedictione, prospera
 nauigatione Barum peruenit. Vnde Roman
 pro-

profectus, circa illas partes Beatum Vrbanum inuenit, fideliter & prudenter legationem exposuit, literas porrexit, miseras & abominationes Terræ sanctæ explicuit. Pontifex legatū benignè suscepit, & mox in Gallijs fidelem cooperatorem fore se promisit. Vnde Petrus trāscurrens Italiam, Alpes transiens, zelo diuino succensus, Occidentales Principes increpat, instat, arguit, vt afflictis fratribus succurrant, & loca sacra expurgent. Plebem quoque & infimæ fortis homines animabat. Cui Dominus tantam gratiam contulerat, - vt raro sine fructu populos conueniret. Fuitque Domini Urbani Pape præcursor usque in Gallias, vbi iam dictus Pontifex in celebri Synodo Claramontana legationem eius aperuit, & Principes ad bellum sacrum exhortatione euocauit. Nec satis ei fuit ad hanc viam innumeros incitare, sed post captam quoque Ierusalem in multis vtilis cum exercitu Dei perseverauit. Tunc summa cum gratulatione exceptus fuit à Christianis, à quibus ante quinque annos suam legationem acceperat. Cum autem vrbe feliciter occupata in Belgium redijisset, fundauit in suburbio Hoyensi *Nonum Monasterium*, in quo Prior obiit; cui postea *Hugo de Petra-ponte*, Episcopus Leodiensis Abbatis dignitatē adiecit. Fundauit aut̄ id potissimum sumptibus Cononis Comitis Montis-

Montis-acuti , & Lamberti Comitis Clari-
Montis, qui cùm in terre sancte subsidio nau-
fragium passi, Deo Ecclesiam vouissent, mox
serenitatem obtinuerunt. Proclamatur autem
annuè eo in loco beati viri memoria sequen-
tibus verbis : *Octauo Idus Iulij, anno Domini
1115 obiit Dominus Petrus venerabilis Sacerdos &*
Memoria *Eremita, qui primus prædicator sanctæ Crucis à
annua Domino meruit declarari. Hic post acquisitionem
terrae sanctæ cū reuersus fuit ad natale solum, ad
petitionem quorundam virorum nobilium & igno-
bilium fundavit Ecclesiam istam in honorem San-
cti Sepulchri & S. Ioannis Baptistæ ; in qua ido-
neam sibi elegit sepulturam. Sic ferè Molanus
in Natalibus SS. Belgij.*

CAPUT LIV.

S. IOANNIS BAPT. MONASTE-
rium in vrbe Valentiana, in Han-
nonia.

Monasterium hoc à Theodorico Gal-
liæ Rege primum ædificatum, sacrif-
que Virginibus traditum, ac deinde à Pippi-
no itidem Rege auctum esse, sunt qui tra-
dunt.

Vt vt sit, constat ex manuscriptis Hanno-
niæ Chronicis, an. 1112. Canonicos seculares,
hunc locum incoluisse; qui vitæ cùm essent
dissolutoris, Rainerus Castellanus Valen-
tianus,